


季漢書



季漢書



李漢書 十六冊

清·章陶撰

江蘇廣陵古籍刻印社出版

揚州古籍書店發行

定價二百四十元

序

凡人著一書爲前人之所已爲而不能
高出於前人則不傳旣高出前人矣不
取其所以高出之處表白而明示之讀
者不勝其參互考訂之勞也卽傳亦未
必遠此張子霞溪季漢書辨異之所爲
作也章氏莪良先生季漢書爲蕭氏郝
氏謝氏之所已爲者也卓然高出於三
子者也顧非徧讀三子之書不知也卽

徧讀矣而非確得其命意之所在亦不知也霞溪迺取其書之異於三子者逐條摘出加以評語俾讀者不必參互考訂而舉其高出之處開卷自得於心目之間則季漢書傳得辨異而其傳愈遠矣今章氏族子端甫旣付剞劂爲書數語於簡端以質世之讀章氏書者道光戊子九秋諸暨儒學教諭馮書香識

季漢書辨異

例言

宋蕭常元郝經著續後漢書明謝陞著季漢書已各有成書傳世先生重爲此書其史筆精嚴實遠勝前書因不揣穉昧見有與諸書異者逐條摘出將諸書註於其下參以管見庶一覽了然以省檢閱之煩蕭書簡確善斷而失於畧未免事實不詳又改刪處多由己出正坐裴松之之譏孫盛製書多易舊文使後之學者無可取信之謂也郝書廣引博稱善持論而失之繁縟其論總歸於聖德王道垂教萬世其用心良苦矣然按之本傳空論

多而實論少亦似繁而不殺

謝書戴太史規之甚正卽其紀傳亦不過遵紫陽之意帝蜀而已其中無甚大識見似不及蕭郝二書

此書於陳志刪改處俱取陳志原註及漢書晉書中去其非者取其是者連綴成文未嘗敢於自作畧同郝書然往往於首尾轉關交接處點竄數字或數句提醒主意便如日星高懸忠肝義膽照耀千古又如斧鉞交下魑魅魍魎莫能遁形此本春秋龍門之史筆故不假論贊而褒貶自見於言外

博綜闊大則推郝書而限斷之清去取之嚴蕭章爲善但此書述而不作寓意在字句之間與字句之外

故思精而所蘊者深粹不易讀蕭書作多於述故文簡而論確則易見其所長也

季漢書爲昭烈正漢統非爲獻帝紀年也當始於昭烈終於後帝獻帝爲東漢昭烈爲季漢以史家限斷論當自昭烈章武元年起章武以前皆東漢之事也後帝炎興元年止炎興以後吳魏晉之事也然季漢必有所自始截住章武以前則始事不詳董卓李郭二袁公孫呂布陶謙劉表劉繇劉焉父子張楊張魯張繡臧洪孔融諸人或曾爲昭烈所依或爲昭烈吳侯魏武所破皆宜立傳以著季漢之始事炎興已後吳魏猶存江東未亡已前亦皆宜立傳以著季漢之

終事此外濫入限斷不清矣

郝書立八錄紀一時制度曰道術錄曰歷象錄曰職官錄曰疆理錄曰禮樂錄曰兵錄曰刑錄曰食貨錄四庫全書案

道術錄分正傳諸子百家異端其人

其事皆無與於三國歷象錄乾象景初二律法皆與晉書所載無異職官錄皆本前後漢書百官志參以晉書職官志故所載皆漢一代之制而於三國時官制特存大畧食貨錄後漢書八志無食貨此取晉書食貨志中事關三國者約取大概著爲此篇廉按八錄無完善疆理錄禮樂錄兵錄亦皆失於限斷刑錄闕蓋事旣無傳不能以意爲補也

陳氏三國志家有其書不必摘也惟蕭氏郝氏謝氏
三書度藏者鮮故內有與陳志異而與諸書同者不
摘有與諸書意同而語異者亦不摘有與諸書異所
關在文義而不甚關大節者亦不摘反覆校勘蓋兩
易寒暑焉

余爲此註葛君素章實助之不可沒也及註成而葛
君已卒今章君端甫倡捐開雕先生全書附此註於
後余學識疏淺敢云盡窺先生作書之旨而逐條摘
註事等鈔胥或於讀者不無小補云

霞溪氏識

季漢書辨異

邑後學張廉通源評註

孝獻皇帝

謝書有紀大非限斷

劉虞

獻帝初平四年爲公孫瓚所殺

郝書謝書有傳

皇甫嵩

靈帝時破平黃巾賊至獻帝初平李郭作亂時

嵩已病故

郝書有傳

朱雋

同皇甫嵩破平黃巾賊後爲郭汜留質卽日發憤

病卒

郝書有傳

蓋勲

憤董卓之亂力不能靖難啣憤而死

郝書謝書有傳

鄭泰

謀殺董卓事洩脫身走歸袁術術以爲揚州刺史

未之官道卒

郝書謝書有傳

何融 謀殺卓事洩被執死有傳

种邵 攻李郭以報父仇戰敗死并為邵兄拂立傳

荀爽 謀誅董卓事未成而病薨有傳

黃琬 謀誅卓卓誅李郭攻破長安收琬下獄死有傳

何休 靈帝光和五年卒有傳

服虔 靈帝中平末年拜九江太守免遭亂行客病卒有傳

有傳

許慎 原傳不言其卒年馬融常推敬之當是桓帝以前

人有傳

蔡元 順帝時出為宏農太守卒官有傳

崔實 靈帝建寧中病卒有傳

蔡邕

獻帝初平三年被殺有傳

郭泰

靈帝建寧二年卒有傳

符融

靈帝時人有傳

仇覽

與郭泰等同時有傳

陳實

靈帝中平四年卒有傳

黃憲

安帝延光元年卒不傳原註以史家限斷論

連入之耳廉按書名續後漢當以昭烈為限斷郭泰靈帝建寧二年卒是東漢人與續後漢無涉

徐穉

靈帝初年卒有傳

姜肱

靈帝熹平二年卒有傳

申屠蟠

原傳無卒年然長於蔡邕絕與昭烈吳侯魏武

無涉

有傳

張元董 卓辟舉侍御史不就臨之以兵強起道病卒有傳

有傳

袁閔 延熹末潛居士室十八年而卒有傳

以上自孝獻後二十五人東漢人也又與昭烈吳

侯魏武無一事相涉似不得入於季漢

左思 無他功業惟三都賦傳於後以晉繼魏故抑蜀都

吳都歸美魏都以媚晉何得復入於吳有傳

陸機 官秩勲業被殺俱在於晉亦不宜仍入於吳有傳

王戎 晉之三公惠帝永興二年卒有傳

林七賢也然終不為另立傳

樂廣 晉武篡代王戎為荊州刺史始舉秀才有傳

謝鯤 晉東海王越始辟爲掾

有傳

胡毋輔之 晉王衍始辟別駕太尉掾

有傳

畢卓 晉愍帝大興末始爲吏部郎距季漢末已五十六

年

有傳

光逸 晉元帝給事中

有傳

衛玠 樂廣之壻爲晉太傅西閣祭酒拜太子洗馬

有傳

王濟 尙晉武帝常山公主後至太僕卒

有傳

已上十人皆晉人也不得入季漢

陳壽 延熙末嘗爲後帝觀閣令史然漢亡後仕於晉亦

不得仍入於漢

有傳

楊彪 當董卓李郭之亂從帝奔波艱苦備嘗天子入許

曹操擅權幾爲操所殺然曹丕篡位雖不臣丕而受其封爵不能死拒亦有忝乎名德郝書謝書入於漢傳爽其權衡矣此書不爲立傳正所以護之也

劉繇 爲孫策所逐漢臣也未嘗臣吳蕭書入吳載記非是

士燮 建安十五年臣服於吳遣子廞入質又誘導益州雍闓等附吳則已委心事吳郝書以其前不廢職貢入於漢臣非是

太史慈 仕吳實竭忠烈郝書因其臨終有丈夫當帶七尺之劍升天子之階語遂列於漢傳殊爲失實

徐幹 陳志原傳幹爲司空軍謀祭酒掾屬五官將文學

考其事蹟雖不助操丕爲逆亦非行遁介潔之士而
郝書乃與管幼安比高且以其著論推本堯舜謂知
中之道而列於高士褒譽失實此書列於文林爲允
是也然服闋而仍出仕晉郝書稱其穢曹馬而自潔
之志凜然不可掩而列於高士亦爲失實

李密

陳情一表千古稱孝郝書謂與武侯出師表相埒

陸續袁渙邴原

蕭書謂績擯南徼死不忘漢袁邴二子

雖嘗爲操所辟直迫於勢耳豈其本心哉故表而出
之不與華歆等並立然死不忘漢何如不于曹操一
生辟召不應未嘗加人以罪何勢之迫而爲操屈乎
此無異於不嫁而生七子但不如華歆等之助操篡